


堯山堂外紀

十七之二十

漢書門			
九	七	七	〇
號	函	架	冊
二	一	七	二
冊	架	函	冊

內閣文庫			
九	七	七	〇
號	冊	架	函
二	一	七	二
冊	架	函	冊

內閣文庫	
番號	漢 9770
冊數	24 (5)
函號	308 95



堯山堂外紀卷十七

晉陵蔣一葵仲舒甫編

淺草文庫

六朝陳

徐陵

字孝穆 左肩已 攝之子 母夢五色雲化為鳳集

相虞世基一見奇之謂朝士曰此當今潘

陸因妻以女由梁入陳歷遷太子少傅子

徐孝穆嘗使魏魏人授館宴賓是日熱甚其主客

魏收嘲陵曰今日之熱當由徐常侍來徐即答

堯山堂外紀卷一
曰昔王肅至此為魏始制禮儀今我來聘使卿
復知寒暑收大慙

徐孝穆長相思云長相思好春節夢裏恒啼悲不
洩帳中起窓前咽柳絮飛還聚遊絲斷復結欲
見洛陽花如君隴頭雪蕭淳和云長相思又離
別新柳參差條可結孤關遠鴈書絕對雲恒憶
陣看花復愁雪猶有望歸心流黃未剪截

徐孝克陵第三弟也亦善賦咏作栖霞寺詩曰戒

壇青石路靈相紫金身世以為工

陰鏗字子堅詩與何遜齊名世稱陰何梁時為湘東王參軍與賓客宴飲見行觴者

因以酒炙授之坐客皆笑鏗曰吾儕終日
酣醉而執爵者不知味非人情也及侯景
亂鏗為賊擒或救之得免問之乃前
行腸者入陳為始興王錄事參軍

侯安都為侍中引祖孫登劉刪陰鏗等為客孫登

奉令詠風云飄颺楚王宮徘徊繞竹叢帶葉俱

吟樹將花共儻空飄香雙袖裏亂曲五弦中試

上高臺聽悲響定無窮詠水云驪泉紫閣映珠

浦碧沙沉岸。闊蓮香遠流。清雲影深風。潭如拂
鏡。山溜似調琴。請君看皎潔。知有澹然心。劉剛
奉令詠妓云。石家金谷妓。粧罷出蘭閨。看花只
欲笑。聞瑟不勝啼。山邊歌落日。池上舞前溪。將
人當桃李。何處不成蹊。陰鏗同賦云。佳人遍綺
席。妙曲動鶻弦。樓似陽臺上。池如洛水邊。鶯啼
歌扇後。花落舞衫前。翠柳將斜日。俱照晚粧鮮。
文帝嘗宴羣臣賦詩。徐陵言陰鏗善五言。帝即日

召預宴。使賦新成安樂宮。鏗援筆便就。帝歎賞
之。其詩曰。新宮實壯哉。雲裏望樓臺。迢遞翔鷗
仰。連翩賀燕來。重欄寒霧宿。丹井夏一作夜蓮開。
砌石披新錦。梁花畫早梅。欲知安樂盛。歌管襍
塵埃。

虞寄 字次安。荔之弟。陳寶應嘗使人讀漢書。以而聽之。至蒯通說韓信曰。相君之背。貴不可言。蹶然起坐。曰。可謂智士。寄曰。通一說。殺三士。何足言。智豈若班彪。王命識所歸乎。寶應不聽。寄恐福及乃看居。士服居東山寺。

天嘉中陳寶應據陶中與錙異潛有異謀遂起兵
反沙門慧標作五言詩送之曰送馬猶臨水離
旗稍引風好看今夜月當照紫微宮寶應甚悅
慧標齋以示虞寄寄謂所親曰標公既以此始
必以此終後寶應敗標從坐伏誅

張正見

字見贖梁太清初射策高第蜀亂
避地匡俗山入陳遷散騎侍郎

張正見星名從軍詩云將軍定朔邊刁斗出祁連
高柳橫遙塞長榆接遠天井泉含凍竭烽火照

山燃欲知客心斷危旌萬里懸

沈炯

字初明約之後仕梁為吳令宋子仙據
吳興逼掌書記王僧辨購得之醉所獲
者鐵錢十萬後歸陳
武帝以為御史中丞

沈炯有獨酌謠曰獨酌獨成謠智者不我
顧愚夫余不要不愚復不智誰當余見招所以
成獨酌一酌一傾歌生涯本漫漫神理暫超超
再酌輕許史三酌傲松喬頻頻四五酌不覺凌
丹青倏爾厭五鼎俄然賤九韶彭殤無異葬夷

蹈可同朝龍蠖非不屈鵬鷄本逍遙寄語號呶
侶無乃太塵囂

沈炯八音詩曰金屋貯阿嬌樓閣起迢迢石頭足
年少大道跨河橋絲桐無緩節羅綺自飄飄竹
煙生薄晚花色亂春朝匏瓜詎無匹神女嫁蘇
韶土地多妍冶鄉里足塵囂革年未相識聲論
動風飈木桃底堪用寄以答瓊瑤

沈炯以閑居有樂四字作離合詩贈江藻曰開門

枕芳野井上小桃紅離門字林中藤葛秀木末風

雲高離木字門木合成閑屋室何寥廓至士隱蓬蒿離尸字

故知人外賞文酒易陶陶離古字古合成居尸友朋足諧

晤又此盛詩騷離尸字朗月同攜手良景共含毫

離月字尸月合成有樂離樂字巴有妙術言是神仙曹離樂字百年

肆偃仰一理詎相勞離白字樂白成樂

沈炯和蔡黃門口字詠云蹢蹢宮閣路靈靈谷口
閭誰知名器品語哩各崎嶇

周弘正

字思行侯景亂元帝以為戶部尚書入陳位特進弟弘讓弘直弘讓嘗仕

侯景獲譏于世或問三周孰賢曰峇蜂腰矣

周弘正嘗造韋愛談謔盡日恨相遇之晚後請愛

至賓館愛未赴弘正乃贈詩曰德星猶未動真

車詎肯來愛即逍遙公也為當時所欽如此

周弘正看新婚詩云莫愁年十五來聘子都家婿

顏如美玉婦色勝桃花帶啼疑暮雨含笑似朝

霞暫却輕紈扇傾城判不賒

謝貞

字元正晉太傅安九世孫少有至性仕始興王錄事參軍

謝元正幼便聰慧八歲為春日閑居詩從舅王筠

奇其有佳致謂所親曰此兒方當大成至如風

定花猶落乃追步惠連矣

陸瓊

字伯玉六歲為五言詩頗有詞采八歲於客前覆局都下號曰神童

陸瓊飲酒樂云蒲桃四時芳醇琉璃千鍾舊賓夜

飲舞遲銷燭朝醒弦促催入春風秋月長好歡

醉日月言新唐人破陣樂何滿子皆祖之

陸瓊栗賦云四時逸盛百果玄芳綠梅春馥紅桃
夏香何羣品之浮脆惟此質之義長外刺同夫
拱棘內繁甚於冰霜薦羞則相榛並列加籩則
菱芡同行金盤兮麗色玉俎兮鮮光周人以之
戰懼大官稱於栢梁

伏知道

伏知道從軍五更轉云一更刁斗鳴校尉連連城
懸聞射鵰騎遙憚將軍名二更愁未央高城寒

夜長試將弓學月聊持劍比霜三更夜警新橫
吹獨吟春強聽梅花落誤憶柳園人四更星漢
低落月與山齊依稀北風裏胡笳襍馬嘶五更
催送籌曉色映山頭城烏初起堞更人悄下樓
其後隋煬帝效之作龍舟五更轉

江總

字總持少孤依外氏故杜詩云江總外
家養仕陳為尚書令世稱江令宅在金

陵青谿上劉禹錫詩南朝詞臣北朝客歸
來惟見秦淮碧池臺竹樹三畝餘至今人
道江家宅總為文次至吟詠淨意則起藁
於牕上不堪示則投置溷中久而文遂工

江總持幼便聰慧神采英拔甚為瑯琊王元禮范陽張纘南陽劉之遴所重之遴嘗酬總詩其略曰上位居崇禮寺署隣栖息忌聞曉鶻唱每畏晨光艷高談意未窮晤對賞無極探志共遨遊休沐忘退食曷用銷鄙吝枉趾邁顏色上下數千載揚摧吐胸臆其為通人欽挹如此

梁武帝時江總舅蕭勃據廣州侯景之亂總往依焉自此流寓嶺南積歲遇長安使寄裴尚書詩曰傳聞合浦葉遠送洛陽飛北風尚嘶馬南冠獨不歸去雲目徒送離琴手自揮秋蓬失處所春草屢芳菲太息關山月風塵客子衣

江總自長安歸還揚州九月九日行徽山亭賦韻云心逐南雲逝形隨北鴈來故鄉籬下菊今日幾花開

金陵城東南十五里有婁湖吳張昭創以漑田昭封婁侯故名湖上有婁湖苑江總持秋日侍宴

苑中應詔賦詩曰翠渚還鑾輅。瑤池命羽觴。千
門響雲蹕。四澤動榮光。玉軸昆池浪。金舟太液
張。虹旗照島嶼。鳳蓋繞林塘。野靜重陰閣。淮秋
水氣涼。霧開樓閣近。日迫煙波長。洛宴諒斯在。
鎬飲詎能方。朽劣叨榮遇。簪笏奉周行。

周司馬消難以安陸附陳宣帝遇之甚厚以為司
空見朝士皆重學術積經史消難切慕之乃多
卷黃紙加之朱軸詐為典籍以矜僚友江總持

戲之曰黃紙五經赤軸三史

魯廣達為陳將被執憤慨而卒江總撫棺慟哭題
其前和曰黃泉雖飲恨白日自畱名悲君抱義
死不作負恩生

孔範

字法言後主以為都官尚書與孔貴人
結為兄妹寵遇優渥陳亡入隋文帝暴

其過惡與王瑳王儀沈
瓘名為四罪流之遠裔

孔範和後主詠鏡云虎賁愁興日龍鏡覽顏時懷
恩未得報空歎髮如絲

長城公叔寶

字元秀小字黃奴史曰後主以宮人袁大捨等為女學士文士

江總等十人為狎客嘗泛舟樂遊于河忽遇雨浮漚生宮人指浮漚曰滿河珍珠因名其河為珍珠河

後主在東宮時張譏為東宮學士有玉柄麈尾至

佳後主親執之曰當今雖復多士如林堪執此

者獨張譏耳即手授譏後幸鍾山開善寺召從

臣坐寺西南松林下勅張譏豎義索麈尾未至

勅取松枝手以授譏

譏初仕梁為士林館學士

後主於光昭殿前起臨春結綺望仙三閣其牕牖

壁帶懸楣欄檻皆以沉檀為之臨春後主自居

結綺張貴妃居之望仙孔貴嬪居之日與十狎

客飲酒賦詩先令貴嬪等八婦人襞采箋製五

言十客一時繼和遲則罰酒採其葩艷麗者為

曲被以新聲略云璧月夜夜滿瓊樹朝朝新

君臣酣歌自夕達旦以此為常

張貴妃名麗華髮長七尺鬢黑

如漆其光可鑑聰慧有神彩每瞻視盼睐光彩溢目映照左右常於閣上靚粧臨軒檻宮中望

之飄飄若神仙後葬路傍有人夜行聞吟詩聲
云獨臥經秋墮鬢蟬白楊風起不成眠追思昔
日椒房寵淚濕衣衫損舊顏次日閱之
乃一古塚詢訪故老始知為麗華墓也

後主於清樂中造黃驪留及玉樹後庭花金釵兩
鬢垂等曲其詞綺艷相高極於輕蕩王樹曲云
麗宇芳林對高閣新粧艷質本傾城映戶凝嬌
乍不進出惟含態笑相迎妖姬臉似花含露玉
樹流光照後庭

後主七夕宴宣猷堂座有張式陸瓊顧野王褚玠
傅緯陸瑜柳莊王瑳等十三人重詠牛女各為
五韻後主詩曰明月照高臺仙駕忽裴徊雷徒
聞車度霞上見粧開房移看動馬斗轉望斟杯
靨色隨星去髻影禡雲來更覺今宵短只遽日
輪催

孫右軍璉亡後江總為其誌銘後主又題銘後四
十字遣左民尚書蔡徵宣敕就宅鐫之其詞曰
秋風動竹烟水驚波幾人樵徑何處山阿今時

日月宿昔綺羅。天長路遠地久雲多。功臣未勒。此意如何。時論咸以為榮。

沈婺華後主之后望蔡侯君理女也。以張貴妃權寵經年不得一御。後主當御后處暫入。即還因戲贈曰。留儂不留儂。不留儂也。去此處不留人。自有留人處。后因答云。誰道不相憶。見罷倒成羞。情知不肯住。教我若為留。

後主造齊雲觀。國人歌之云。齊雲觀。寇來無際畔。功畢未幾為隋師所虜。先是禎明初。後主作新歌辭甚哀怨。令後宮美人習而歌之。其詞曰。玉樹後庭花。花開不復久。時人以為歌讖。

陳初江東有童謠云。黃斑青驄馬。發自壽陽溪。來時冬氣未去。日春風始。皆不知所謂。其後陳主為韓擒虎所敗。擒虎本名豹。黃斑之謂也。平陳之際。又乘青驄馬往。反時節與謠相應。兵初入臺城。後主將走。羣臣勸依梁武。見侯景故事。後

主不從曰吾自有井。乃挾宮人十餘出景陽殿

投井軍人窺井呼不應欲下石乃聞叫聲以繩

引之與張貴妃孔貴嬪同東而上所謂胭脂井

是也楊修詩云擒虎戈矛滿六宮春花無樹不

秋風倉皇益見多情處同完甘心赴井中井在金陵

法寶寺石欄紅痕若胭脂相傳後主與張孔浹

痕所染寺即景陽宮故地也井又名辱井唐陸

龜蒙詩古堞烟埋宮井樹陳主吳姬墮泉

處舜沒蒼梧萬里雲却不聞將二妃去

陳將亡有鳥一足集其殿庭以觚畫地成文云獨

足上高臺茂草變為灰知我家處朱門當水

開解者以為獨足蓋指後主獨行無眾茂草言

荒穢也隋承火運草得火而後灰及後主至長

安館於都水臺所謂上高臺當水開者其言皆

驗

後主入隋文帝給賜甚厚每預宴為不奏吳樂恐

傷其心監者言叔寶與子弟等日飲一石終日

沉醉罕有醒時帝曰且任其性不爾何以過日

知上卷脫
欲字

荆山堂外紀卷十七
及從東巡登芒山侍宴賦詩曰日月光天德山
河壯帝居太平無以報願上東封書後從至仁
壽宮及出文帝目之曰此敗豈不由酒

徐德言

太子舍人

徐德言尚後主妹樂昌公主時陳政方亂德言知
不相保謂其妻曰以君之才容國亡必入權豪
家儻情緣未斷尚冀相見乃破一照人執其半
約曰他日必以正月望日賣於都市我當在卽

以是日訪之及陳亡公主果入越公楊素家寵
嬖殊厚德言流離辛苦僅能至京遂以正月望
日訪於都市有蒼頭賣半照者大高其價人皆
笑之德言直引至其居設食具言其故出半照
合之仍題詩曰照與人俱去照歸人不歸無復
嫦娥影空留明月輝公主得詩涕泣不食素知
之愴然改容卽召德言相見仍與偕飲素令公
主賦詩公主遂口占一絕云今日何遷次新官

對舊官筵主。俱不敢方信。作人難。素厚遺之送。
還江南。亦終老。

沈滿願范靜

沈滿願詠女。炎籠詩曰。剖出楚山筠。織成湘水綬。
寒銷九微火。香傳百和薰。氤氳擁翠被。出入隨
緗裙。徒悲今麗質。豈念昔凌雲。

沈滿願殘燈詩云。殘燈猶未滅。將盡更揚輝。惟餘
一兩焰。猶得解羅衣。唐韋蘇州對殘燈詩云。獨
照碧牕久。欲隨寒燼滅。幽人將遽眠。解帶翻成
結。韋詩實出于沈。

堯山堂外紀卷十七終

堯山堂外紀卷十七

十五

燕韋籍實出千水

明蒙獻父谷翻寒盡燕幽入豫趙知稱帶階

堯山堂外紀卷十八

晉陵蔣仲舒編

六朝 前趙後趙前涼秦燕後涼北涼

陳安 成紀人少慷慨讀書見許褚慕之乃自字虎侯

晉懷愍間劉曜圍陳安于隴城安敗南走陝中曜使將軍平先率勁騎追之安與壯士十餘騎於陝中格戰安左手奮七尺大刀右手執丈八蛇矛近交則刀矛俱發輒害五六遠則雙帶鞬服

左右馳射而走平先亦壯健絕人與安搏戰三
交奪其蛇矛而退遂追斬于澗曲安善撫按及
其死隴上為之歌曰隴上健兒曰陳安軀幹雖
小腹中寬愛養將士同心肝。騾驄駿馬鐵鍛鞍。
七尺大刀配齊環。丈八蛇矛左右盤。十盪十決
無當前。百騎俱出如雲浮。追者千萬騎悠悠戰
始三交失蛇矛。十騎俱盪九騎留。棄我騾驄攀
巖幽。天非降雨迨者休。阿呵嗚呼奈子乎。嗚呼

阿呵奈子何曜聞而嘉傷命樂二府歌之

初漢高以公主

妻冒頓故其子孫遂冒姓劉魏晉間呼延氏祈
子龍門有一白魚頂有一角至祭所父之乃去
其夜夢所見魚變為人把一物大如雞子授之
曰此是日精服之生貴子自是十五月生淵建
國號曰漢至曜改
稱趙是為前趙

汲桑

清河貝丘人。力能扛鼎。晉大安中并州
荒亂。刺史東瀛公騰執諸胡賣充軍實。

石勒亦在賣中。既賣與苻平人為奴。奴家
鄰馬牧桑時為牧。率勒以能相馬自託於
桑。遂招集桃豹
遂明等為羣盜

晉東海王越字元超。懷帝永嘉初出鎮許昌。率充

州刺史苟晞及冀州刺史丁邵討汲桑破之時
有謠云洛中大鼠長尺二若不早去天狗至又
云元超兄弟大洛度上桑打椹為苟作越聞而
惡之乃轉晞為青州刺史自領兗州由是與晞
有隙

汲桑殘忍少恩六月盛暑重裘累裊使十餘人扇
之意不清涼便斬扇者後為并州大姓田蘭所
殺士女慶賀奔走道路而歌曰士為將軍何可

羞六月重裊披豹裘不識寒暑斷人頭雄兒田

蘭為報讐中夜斬首謝并州石勒初歸劉淵以

曜稱大趙天王是為後趙勒每破
一州必簡別衣冠號為君子城

初嘉字孔賓
酒泉人

初嘉少清貧好學年二十餘夜窓中有聲呼云初
孔賓初孔賓隱去來隱去來修飾人世甚不可
諧所得未毛銖所喪如山崖及旦嘉逝去西至
燉煌依學官誦書遂博通經傳精究大義西遊

海渚教授門生張重華徵為儒林祭酒在朝卿
士郡縣守令受業者二千餘人竟以壽終

張氏自執

及寔茂駿四世忠晉至重華自立為王傳祚天錫是為前涼

宋纖

字令艾燉煌人

宋纖隱居酒泉南山不應辟命酒泉太守馬岌造
馬纖距而不見岌歎曰名可聞而身不可見德
可仰而形不可覩今而後知先生人中龍也銘
詩于石壁曰丹崖百丈青壁萬尋奇木蒼鬱蔚

若鄧林其人如玉維國之琛室邇人遐實勞我
心張祚時大守楊宣畫纖像於閣上出入視之
作頌曰為枕何石為漱何流身不可見名不可
求

韓博

張天錫嗣位涼州時符堅彊盛天錫遣從事中郎
韓博奉表江左尅日大舉博有口才大司馬桓
溫甚稱之當大會溫使司馬刁彞嘲之彞謂博

日卿是韓盧後博答彞曰卿是韓盧後温笑曰
刁以君姓韓故相問耳他自姓刁那得是韓盧
後邪博曰明公脫未之思短尾者為刁也一坐
推歎

辛攀

字懷遠隴西人

辛攀父奭嘗為尚書郎兄鑒曠弟寶迅皆以才識
知名西涼為之語曰五龍一門金友玉昆

蒲洪

字廣世其先有扈氏苗裔世為氏酋其家池中生蒲長五丈五節如竹形時咸

異之謂之蒲家因以為氏後以識文有字付應王又以孫堅背文曰草付之祥遂改姓符洪見堅壯貌欲令頭堅腹軟字之曰堅頭

蒲洪好施多權畧晉永嘉之亂宗人蒲光蒲突共
推洪為盟主石虎以洪為龍驤將軍先是隴右
大雨百姓苦之謠云雨若不止洪水必起故因
名洪

符堅洪季子雄之子也洪死世子健嗣位健入關
時夢天神遣使者朱衣赤冠命拜堅為龍驤將

軍健翌日爲壇以授之泣謂堅曰汝祖昔授此
號今汝復爲神明所授可不勉乎及健歿其太
子生嗣位殘虐無度堅遂弑之以昇平元年稱
大秦天王初生夢大魚食蒲又長安謠云東海
大魚化爲龍男便爲王女爲公問在何所洛門
東時堅爲龍驤將軍東海堅封地也其第在洛
門之東生不知是堅以謠言之故誅其侍中魚
遵及其子孫時又謠云百里望空城鬱鬱何青
青瞎兒不知法仰不見天星於是悉壞空城以
禳之

符堅初鳳凰集於東闕民歌之曰鳳凰于飛其羽
翼翼淵武聖后饗齡萬億

晉太和間符堅聞慕容恪歿陰有圖燕之計卒滅
燕時慕容冲姊僞清河公主年十四有殊色堅
納之寵冠後庭冲年十二亦有龍陽之姿堅又
幸之姊弟專寵宮人莫進長安歌漢紫宮諺曰

一雌復一雄雙飛入紫宮時咸懼爲亂又有謠
云鳳凰鳳凰止阿房堅以鳳凰非梧桐不棲非
竹實不食乃植桐竹數十萬株于阿房城以待
之冲小字鳳凰後堅敗冲起兵河東進攻蒲坂
果入止阿房城焉

符堅旣滅燕故長史申胤曰福德在燕秦雖得志
而燕之復建不過一紀黃泓曰其在吳王乎吳
王慕容垂也時時關中謠曰長鞘馬鞭擊左股
太歲南行當避虜秦人呼鮮卑爲白虜後垂起
關東歲在癸未纔一紀云

符堅彊盛之時國有童謠云阿堅阿堅連牽三十
年後若欲敗時當在江湖邊又有謠云河水清
復清符詔苑斯城秦人稱其君曰詔堅聞此謠
而深惡之每征伐戒軍候云地有名新城者避
之後敗於淝水竟爲姚萇縊於新城佛寺在僞
位允三十年

王猛

字景畧初隱華山桓温伐秦入關猛被
禍謁温温將還資猛車馬欲與之俱猛
還山咨師師曰卿與桓温豈並世哉在此
可富貴何為乎遠行後符堅因吕婆樓招
猛任以
國事

王猛化洽六州人移風變百姓歌之曰長安大街

夾樹楊槐叶下走朱輪上有鸞栖英彦雲集誨

我人黎

趙整

字文業一名正年十八仕為
黃門郎後出家更名道整

秦王堅宴羣臣於釣臺秘書侍郎趙整以堅頗好

酒因為酒德歌曰獲黍西秦採麥東齊春封夏

發鼻納心迷

秦王堅與羣臣飲以極醉為限趙整作歌曰地列

酒泉天垂酒池杜康妙識儀狄先知紂喪殷邦

桀傾夏國由此言之前危後則

秦王堅與慕容垂夫人段氏同輦遊於後庭趙整

歌曰不見雀來入鷺室但見浮雲蔽白日堅改

容謝之命夫人下輦

符堅分氏戶於諸鎮趙整因侍援琴而歌曰阿得
脂阿得脂博勞舊父是仇綏尾長翼短不能飛
遠徙種人留鮮卑一旦緩急語阿誰堅笑而不
納及敗於姚萇整言始驗

趙整性好幾諫無所迴避符堅末年寵惑鮮卑愔
於治政整因歌諫曰昔聞孟津河千里作一曲
此水本自清是誰攪令濁堅動容曰是朕也又
詠棗詩曰北園有一樹布葉垂重陰外雖饒棘
刺內實有赤心堅笑曰將非趙文業耶

梁謹

字伯言

梁謹博學有雋才與弟熙俱以文藻清麗見重一
時人爲之語曰關東堂堂二申兩房未若二梁
瓌文綺章

王嘉

字子午隴西人清虛服氣不與世人交

游石季龍未至長安潛隱終南山符堅累徵不赴公侯已下咸躬往參詣及姚萇入長安禮嘉如堅故事後因事爲萇所害符登聞嘉死設壇哭之贈太師謚文定公所著有拾遺記

王子年嘗著歌識三章事過皆驗其一云帝諱昌明運當極特申一期延其息又云諸馬渡江百年中當值卯金折其鋒至安帝果為劉氏所代又有云欲知其姓草肅肅穀中最細低頭熟鱗身甲體永興福後齊太祖諱道成姓蕭氏穀中精細者稻也熟猶成也

慕容垂

其先曰東胡為匈奴所敗分保鮮卑山曾祖莫護跋魏初率其諸部入居遼西時燕代多冠步搖冠莫護跋見而好之乃斂髮襲冠諸部因呼為步搖其後音

訛遂為慕容焉 小字阿六敦長七尺七寸手垂過膝父皝嘗曰此兒好奇終能破人家或能成人家故名霸因墜馬傷前二齒改名缺尋以識文去夫為垂

慕容垂初封吳王鎮信都威名大振慕容評深忌之謀誅垂時有謠云慕容攀牆看吳軍無邊岸我身分自當枉殺牆外漢慕容愁憤憤燒香作佛會願作牆裏燕高飛出牆外垂懼禍乃奔符堅

慕容垂定都中山立寶為太子寶嗣位以慕容德

都督冀交六州諸軍事會魏師入中山寶出奔
薊時有謠云大風蓬勃揚塵埃八井三刀卒起
來四海鼎沸中山頽惟有德人據三臺於是德
之羣臣勸德稱帝

慕容超德兄子也超不恤政事引所親公孫五樓
為腹心王公內外無不憚之尚書都令史王儼
諂事五樓遷尚書郎出為濟南太守入為尚書
左丞時人為之語曰欲得侯事五樓故大臣北

地王鍾謂段宏曰黃犬之皮恐終補狐裘也五
樓聞而恨之後宏奔魏鍾奔秦

慕容熙為政暴虐其將馮跋張興皆坐事奔亡結
盟推高雲為主初童謠云一束藁兩頭然禿頭
小兒來滅燕藁字上有草下有禾兩頭然則禾
草俱盡而成高字雲父名拔小字禿頭三子而
雲季也熙竟為高雲所滅

呂光 符堅 故將

晉太元間呂光僭卽三河王位徙西海郡人於諸郡時有謠云朔馬心何悲念舊中心勞燕雀何徘徊意欲還故巢頃之遂相扇動光復徙之於西河

胡叟

字倫許安定臨涇人以姚氏將衰遂入長安觀風化後入沮渠不得志乃歸魏

賜爵復始男家于密雲

胡叟入沮渠沮渠牧犍遇之不重叟乃爲詩示所知廣平程伯達其畧曰羣犬吠新客佞暗排疎賔直途旣已塞曲路非所導望衛惋祝鮐盼楚悼靈均何用宣憂懷託翰寄輔仁

六朝北

道武帝瑤

道武帝瑤以土德王北齊其子高澄出政斂見輔弼自

堯山堂外紀卷十八終

堯山堂外紀卷十八

十一

排何意欲還故萊項之逐相廟動先復從之於

西河

胡亥

胡亥靈世何用宜憂謝玉傳寄醉不乃

寒直盜到已塞曲欲非成豈望漸對跡鱗祖禁

堯山堂外紀卷十九

晉陵蔣仲舒編

六朝 北魏

道武帝珪

其先漢將李陵後也姓拓跋氏黃帝有子二十五人少子受封北國

黃帝以土德王北族謂土為拓謂后為跋故以為氏

道武帝六世祖聖武帝詰汾嘗出畋歛見輜輶自

天而下既至有一美婦人自稱天女受命相偶

旦日請還期年復會於此言終而別及暮帝至

先田處果見天女以所生男授帝曰此君之子也當世為帝王即神元帝力微也時人諺曰詰汾皇帝無婦家力微皇帝無舅家珪暴虐好殺民不堪命先是有神巫誠珪當有暴禍唯誅清河殺萬人乃可免珪乃滅清河一郡常手自殺人欲令其數滿萬珪寢處人莫得知唯愛妾名萬人知之妾與珪子清河王私通王因欲殺珪令萬人為內應珪臨歿曰清河萬人言之乃汝等也

孝文帝宏

獻文帝長子太和二年改姓元氏少善射有膂力年十餘能以指彈

碎羊膊骨至十五便不復殺生雅好讀書善談莊老喜為文章自太和十年已後詔

冊皆帝筆也

孝文帝征沔北饗侍臣於縣瓠方丈竹堂中書侍

郎鄭道昭與兄懿等俱侍坐樂作酒酣帝乃作

歌曰白日光天兮無不曜江左一隅兮獨未照

彭城王勰續歌曰願從聖明兮登衡會萬國馳

誠兮混內外鄭懿歌曰雲雷大震兮天門闢率

土來賓兮一正曆鄭道昭歌曰舜舞干戚兮天

下歸文德遠被兮莫不思刑巒歌曰皇風一鼓

兮九地匝戴日依天兮清六合帝又歌曰遵彼

汝墳兮昔化貞未若今日兮道風明宋弁歌曰

文王政教兮暉江沼寧如大化兮光四表鄭道昭字

僖伯嘗為兗州刺史子述祖天保中亦為兗州刺史有人入市盜布其父執之以歸述祖述祖

特原之自是境內無盜百姓歌曰大鄭公小鄭公相去五十載風教尚猶同

孝文帝名子恂愉悅懌侍中崔光名子劭勗勉帝

謂光曰我兒名傍皆有心卿兒名傍皆有力答

曰所謂君子勞心小人勞力帝大嗟悅光本名孝伯嘗

國春秋時謂一門二史

初文明太后以帝聰聖將謀廢帝乃於寒月單衣

閉室絕食三朝召咸陽王禧將立之賴元丕冲

等固諫乃止帝亦不憾撫念諸弟如初禧窮極

驕奢姬妾數十意尚不已景明中卒以謀逆伏

誅宮人為之歌曰可憐咸陽王奈何作事悞金

牀玉几不能眠夜蹋霜與露洛水湛湛彌岸長

行人那得渡其歌流傳江表北人在南者雖至

富貴弦歌奏之莫不灑泣

彭城王勰獻文帝第六子孝文稱其清規懋德松竹為心

孝文帝宴侍臣于清微堂日宴移于流化池芳林下帝仰觀桐葉之茂曰其桐其椅其實離離愷悌君子莫不令儀今林下諸賢足敷歌詠遂令黃門侍郎崔光讀暮春羣臣應制詩至彭城王勰詩帝為改一字勰曰臣露此拙方見聖朝之私賴蒙神筆賜刊得有令譽帝曰雖雕琢一字猶是玉之本體勰曰臣聞詩三百一言可蔽今陛下刊以一字足以價等連城

彭城王嘗從孝文帝幸代都次上黨銅鞮山路傍有大松樹十數帝賦詩示勰曰吾作詩雖不七步亦不言遠汝可作之比至吾間令就也時勰去帝十餘步且行且作未至帝所而就詩曰問松林松林經幾冬山川何如昔風雲與古同孝文帝嘗宴羣臣酒酣歡極帝因舉卮酒屬羣臣

曰三三橫兩兩縱誰能辨之賜金鍾御史中尉李彪曰沽酒老嫗甕注瓶屠兒割肉與稱同尚書左丞甄琛曰吳人浮水自云工妓兒擲袖在虛空彭城王勰曰臣始解此是習字孝文卽以金鍾賜彪人服彪聰明有智甄琛和之亦速

王肅

字恭懿為南齊秘書丞太和中奔魏累官尚書令孝文甚重之常呼曰玉生

王肅初入魏不食羊肉酪漿嘗飯鯽魚羹渴飲茗汁京師士子見肅一飯一斗號為漏卮後與老

文會食羊肉酪粥孝文怪問之對曰羊是陸產之最魚是水族之長所好不同並各稱珍羊比齊魯大邦魚比邾莒小國惟茗下中與酪作奴彭城王勰曰卿不重齊魯大邦而愛邾莒小國明日為卿設邾莒之殮亦有酪奴孝文大笑因此呼茗為酪奴

王肅在江南娶謝氏女為妻及至魏尚陳留長公主其後謝氏為尼來奔作詩贈肅曰本為薄上

蠶今作機上絲得絡逐勝去頗憶纏綿時公主
代肅答贈曰鍼是貫絲物目中常任絲得帛縫
新去何能納故時肅聞之甚惆悵遂造正覺寺
憇焉

褚綉

褚綉入魏魏欲用之時魏元會綉戲為詩曰帽上
着籠冠袴上着朱衣不知是今是不知非昔非
魏人怒出為始平太守

祖瑩

字元珍少耽書呼聖小兒孝文時拜太
學博士嘗曰文章須自出機杼成一家
風骨安可共人作生
活也世以為知言

祖瑩與陳郡袁翻齊名秀出時人為之語曰京師
楚楚袁與祖洛陽翩翩祖與袁

祖元珍為彭城王叅軍時尚書令王肅曾於省中
詠悲平城詩云悲平城驅馬入雲中陰山常晦
雪荒松多朔風彭城甚嗟其美欲使肅更詠乃
失語云王公吟詠情性聲律殊佳可更為誦悲

彭城詩肅戲彭城云何意悲平城為悲彭城也
彭城有慙色祖在坐即云有所悲彭城王公自
未見耳肅云可為誦之元珍應聲云悲彭城楚
歌四面起屍積石梁亭血流睢水裏肅嗟賞之
彭城大悅退謂元珍曰卿定是神口今日若不
得卿幾為吳子所屈

李謚

趙郡人棄產營書手自刪削每日犬夫擁書萬卷何假南面自城甄琛令其子

就業

李謚少好學周覽百氏初師事小學博士孔璠數
年後璠還就謚請業同門生為之語曰青成藍
藍謝青師何常在明經

胡武靈后

司徒國珍女也能射中針眼初為尼頗能講道宣武帝召入掖廷立

為后

太后嘗與明帝幸華林園宴羣臣於都亭曲水令
王公以下賦七言詩太后詩曰化光造物含氣
貞明帝詩曰恭已無為賴慈英王公已下各賜

帛有差

武都人楊白花少有勇力容貌雄偉靈太后逼通
之白花懼及禍乃率其部曲奔梁易名華太后
追思不能已為作楊白花歌使宮人晝夜連臂
蹋足歌之其辭曰陽春二三月楊柳齊作花春
風一夜入閨闈楊花飄蕩落南家含情出戶脚
無力拾得楊花淚沾臆秋去春來雙燕子願斷
楊花入窠裏

靈太后幸左藏賜布絹儀同陳留公李崇章武王
融並以所負多顛仆於地崇乃傷腰融至損脚
時人為之語曰陳留章武傷腰折股貪人敗類
穢我明主

孫紹歷職內外垂老始拜太府少卿謝曰靈太后
曰公年似太老紹重拜曰臣年雖老臣卿太少
后大笑曰是將正卿

臨淮王彧

宅在法雲寺北

或性愛林泉。又重賓客。入其室者咸謂登仙。荊州
秀才張裴裳為五言。有清拔之句。云異秋花共
色。別樹鳥同聲。或以蛟龍錦賜之。

河間王琛

琛有婢朝雲。善吹箎。能為團扇歌。隴上聲。琛為秦
州刺史。諸羌叛。屢討之不降。琛令朝雲假為貧
嫗。吹箎。諸羌聞之。悉皆流涕。迭相謂曰。何為棄
墳井。在山谷為寇也。相率歸降。秦民語曰。快馬
健兒。不如老嫗吹箎。

蕭綜

字世謙。梁武帝第二子。封豫章王。晉同
四年。奔魏。歷司徒。太尉。尚書。陽公。主

蕭綜在魏。不得志。嘗作悲落葉。以中其志。云悲落
葉。聯翩下重疊。重疊落且飛。從橫去不歸。長枝
交蔭昔何密。黃鳥闐闐動相失。夕葉雜凝露。朝
花翻亂日。亂春日起春風。春風春日此時同。一
霜兩霜猶可當。五晨六旦已颯黃。乍逐驚風舉。
高下任飄颺。悲落葉。落葉何時還。夙昔共根本。

無復一相關。各隨灰土去。高枝難重攀。

洛陽城東建陽里有臺高三丈上作二精舍有鐘
撞之聞五十里太后移在宮內置疑間室蕭索
聞鐘聲遂造聽鐘歌三首其辭曰歷歷聽鐘鳴
當知在帝城西樹隱落月東窓見曉星霧露
肫肫未分明烏啼啞啞已流聲驚客思動客情客
思鬱縱橫翩翩孤鴈何所依依依別鶴半夜啼
今歲行已暮雨雪向淒淒飛蓬旦夕起楊柳尚

翻低氣鬱結涕滂沱愁思無所托強作聽鐘歌

馮元興

字子盛元興引為殿中
郎普泰初為光祿大夫

馮元興家世寒初因元興之勢託其交道相為引
用又既賜歿興亦被廢乃為浮萍詩以自喻曰
有草生碧池無根綠水上脆弱惡風波危微苦
驚浪

宋世良

孝莊時世良為清河太守才識閒明尤善政衛郡

東南有曲堤成公一姓阻而居之羣盜多萃於此人為之語云寧度東吳會稽不歷成公曲堤世良施八條之制盜奔他境人又謠云曲堤雖險賊何益但有宋公自屏跡。

温子昇

字鵬舉嶠之後熙平初舉高第庾信初至北方時子昇作韓陵山寺碑信

讀而寫其本南人問信北方文士何如信曰惟寒山寺一片石堪共語餘若驢鳴犬吠耳張皋亦寫其文傳于江外梁武稱之曰曹植陸機復生于北土恨我辭人數窮百六濟陰王云江左人文宋有顏謝梁有沈任我家子昇足以當之

孝莊時帝舅李延寔除青州刺史將行謂之曰懷磚之俗世號難治舅宜好用心時黃門侍郎楊寬在帝側不曉懷磚之義私問舍人温子昇子昇曰齊土之民風俗淺薄太守初欲入境百姓皆懷磚叩頭及其代還以磚擊之言其向背速於反掌是以京師語曰獄中無繫囚舍內無青州假令家道惡腸中不懷愁懷磚之義起在於此

温子昇擣衣篇云長安城中秋夜長佳人錦石擣
流黃香杵紋砧知近遠傳聲遞響何淒涼七夕
長河爛中秋明月光蠓螭塞邊絕候鴈鴛鴦樓
上望天狼

邢邵

字子才與温子昇魏狀齊譽世號三才嘗同右北平陽固河東裴伯茂河南陸

道暉至北海王昕舍宿飲相與賦詩凡數十首皆在主人奴處旦日奴行諸人求詩不得邵皆為誦之奴還得本不誤一字魏末除交州刺史有善政抱鼓不鳴在郡起清風觀明月樓

孝靜帝人日登雲龍門崔俊侍宴又勅其子瞻令

近御座亦有應詔詩帝問邢邵曰此詩何如其

父邢曰俊博雅弘麗瞻氣調清新並詩人之冠

燕罷共嗟賞之咸曰今日之燕并為崔瞻父子

孫奉學淺行薄邢邵嘗謂曰卿更須讀書孫曰我

精騎三千足敵君羸卒數萬奉嘗服棘刺九李

諧調之曰卿應自足何假外求坐者皆笑邵與婦甚

疎未嘗內宿自云嘗晝入內閣為狗所吠言畢撫掌大笑

辛德源嘗於邢邵座賦詩其十字曰寒威漸離風
春色方依樹衆咸稱善後王昕逢之適冬春之
交謂曰今日可謂寒威離風春色依樹

袁聿修為尚書郎十年未嘗受斗酒之遺邢邵每
呼為清郎及邵為兗州聿修以太常少卿巡省
邵送白紬為信聿修不受邵答曰弟昔作清郎

今日復作清卿矣

聿修字叔德翻之子
什魏入齊齊亡入周

節閔帝恭

孝文帝姪也
初封廣陵王

節閔帝使薛孝通等相嘲以酒為韻帝倡曰平生
好玄默慚為萬國首孝通曰既逢堯舜君願上
萬年壽帝曰卿所謂壽豈得徒然便命酌酒仍
命更嘲孝通以忠為韻元翽曰聖主臨萬機享
世永無窮孝通曰豈唯被豐草方亦及昆蟲元
翽曰朝賢既濟濟野苗又芄芃帝曰君臣體魚
水書軌一華戎孝通曰微臣信慶渥何以答華

嵩

初胡太后淫穢日甚鳩殺明帝詔而立臨洮王世子釗爾朱榮入洛將篡位高歡請鑄像卜之鑄不成乃止遂立莊帝子攸而沉胡后及釗於泗水及子攸誅榮爾朱兆入洛與爾朱世隆共立長廣王曄而弑子攸世隆又以曄踈遠廢之而立廣陵王恭高歡入洛以恭神采英毅恐後難制又廢之而立平陽王修恭在位一年既失位乃賦詩云朱門久可患紫極非情詭顛覆立可待一年三易換時運正如此唯有修真觀遂遇

弑

洛陽瑤光寺宣武帝嘗立椒房學道之所掖庭美人並在其中亦有名族處女來儀此寺及爾朱兆入洛縱兵大掠時有秀容胡騎數十入瑤光寺淫穢自後頗獲譏訕京師語曰洛陽男兒急作髻瑤光寺尼奪作壻。

爾朱彥伯節閔帝時封博陵郡王及高歡盡滅爾

朱氏之黨乃執爾朱彥伯與爾朱世隆同斬于閭闔門外懸首於斛斯椿門樹先是洛中謠云三月末四月初揚灰簸土覓真珠頭去項脚根齊驅上樹不須梯至是並驗

武帝脩孝莊帝孫廣平王之子

脩既即位以高歡專恣因密圖之歡覺遂擁兵至脩懼奔長安依宇文泰時熒惑入南斗去而復還留止六旬梁武帝以諺云熒惑入南斗天子

下殿走乃跣足下殿以襪之及聞脩西奔慙虜亦應天象邪脩閨門無禮從妹不嫁者三人平原公主明月從入關泰使人殺之脩不悅由是與泰有隙飲酒遇鴆而殂初宣武孝明間謠云狐非狐貉非貉焦梨狗子齧斷索識者以為索謂魏本索髮焦梨狗子指宇文泰泰小字黑獺也

孝靜帝善見清河王世子高歡追武帝不及乃立帝于洛陽是為東魏帝好

文美容儀力能挾石獅子以踰牆射無不中嘉辰宴會多命羣臣賦詩從容沉雅有

孝文風

孝靜帝始移都于鄴時有童謠云可憐青雀子飛來鄴城裏羽翮垂欲成化作鸚鵡子又謠云可憐青雀子飛入鄴城裏作窠猶未成舉頭失鄉里寄言與婦母好看新婦子按青雀子謂帝實清河王世子鸚鵡謂齊神武即高歡也后則神武之女鄴都宮室未備即逢禪代作窠未成之

效帝尋崩文宣以后為太原長公主降於楊愔時神武婁后尚在故言寄書於婦母新婦子片后也

初高歡以逐君之醜待孝靜帝頗盡臣禮高澄嗣位以崔季舒為中書黃門察帝動靜澄常侍飲大舉觴曰臣澄勸陛下帝曰自古無不亡之國朕亦何用此活澄怒曰朕朕狗脚朕使季舒毆帝三拳奮衣而出帝不堪憂辱詠謝靈運詩曰

韓亡子房奮秦帝魯連耻。本自江海人志意動。君子澄乃幽帝於含章堂。後遂禪位高洋。遇醜而崩。

董紹

字興遠起家四門博士孝武西遷除御史中丞及周文登祚以議論朝廷賜歿

董紹為賀拔岳諮議參軍岳携紹於高平牧馬紹悲而賦詩曰走馬山之阿馬渴飲黃河寧謂胡關下復聞楚客歌

鹿愈

字永吉初為真定公國中尉天平中除梁州刺史為反者鄭榮業執送關西

鹿愈為真定公元子直國中尉恒勸以忠廉之節嘗賦五言詩云嶧山萬丈樹雕鏤作琵琶由此材高遠弦響藹中華援琴起何調幽蘭與白雪絲管韻未成莫使弦響絕子直少有令聞愈欲善其終故以諷焉

堯山堂外紀卷十九終

善其然姑以賦之

然得齋味法莫如齋齋子直少休令聞愈益
林高遠意響萬中華對琴味不歸幽蘭與白雪
嘗觀王言指云華山真丈樹飄舞升雲雷由此
真愈真真家公云千直國中探到憐必忠燕之商

堯山堂外紀卷二十

晉陵蔣仲舒編

六朝北齊周

齊神武歡

小字賀六渾累世北邊故其俗遂
同鮮卑魏永熙初授天柱大將軍
文襄澄歡長子文
宣洋歡第二子也

神武嘗宴群臣酒酣各令歌樂武衛斛律豐樂歌

云朝亦飲酒醉暮亦飲酒醉日日飲酒醉國計

無取次神武曰豐樂不論是好人也豈樂名美
光之弟

神武攻周王壁士卒死者十四五神武志憤疾發
 周王下令曰高歡鼠子親犯王壁劍弩一發元
 兇自斃神武聞之勉坐以安士衆悉引諸貴使
 斛律金唱敕勒歌曰敕勒川陰山下天似穹廬
 蓋四野天蒼々野茫茫風吹草低見牛羊神武
 因自和之金世為部落統帥秋朝京師春還部
 曰但五屋四面平正即得一門之中一皇后二
 太子妃三公主然不以為喜嘗謂其子光我家
 直以黜勞致富
 貴何籍如寵

武定中有童謠曰百尺高竿摧折水底然燈澄滅
 高者齊姓也五年神武崩摧折之應七年文襄
 為盜所害澄滅之徵

文宣未受禪時有童謠曰一束藁兩頭然河邊殺
 毚飛上天按藁然兩頭於文為高河邊殺毚為
 水邊羊指文宣名也於是徐之才勸帝受禪文
 宣鑄像以卜之一寫而成意遂決篡位後又有
 謠白馬子入石室三千六百日文宣以午年生

故曰馬子三臺石季龍舊居故曰石室三千六百日十年也文宣在位十年果如謠言

高昂

字敖曹幼有壯氣龍唇豹頸姿體雄異其父次同為求嚴師教之昂不遵師訓

專事馳騁每言男兒當橫行天下自取富貴誰能端坐讀書作老博士也其父以其

昂藏敖曹故名字之齊神武以為西南道大都督渡河祭河伯曰河伯水中之神高

敖曹地之上之虎

高敖曹酷好為詩嘗作雜詩三首云塚子地握槊星宿天圍棊開曇瓊張口卷席牀剝皮相送

重相送相送至橋頭培堆兩眼淚難按滿胃愁

桃生毛彈子瓠長棒槌兒牆歌壁亞肚河凍

水生皮時人往々傳以為笑

高敖曹從軍時與相州刺史孫騰作行路難曰卷

甲長驅不可息六日六夜三度食初時言作虎

牢停更被處置河橋北回首絕望便蕭條悲來

雪涕還自抑

高敖曹除侍中司徒其弟季式為濟州刺史敖曹

發驛以勸酒乃贈詩曰憐君停欲歿天上人間
無可比走馬海邊射遊鹿偏坐石上彈鳴雉昔
時方伯願三公今日司徒羨刺史

魏收

字伯起小字佛助神武時修魏史衆口
誼然號為穢史收於温邢稍為後進後

邵被疎出子昇以罪幽歿收遂大被任用
時魏太常劉芳孫女中書郎崔肇師女夫
家坐事並賜收為妾收後病甚殺
二妾及疾瘳追憶之更作懷離賦

魏帝嘗季秋大射普令群臣賦詩魏佛助詩末云
尺書徵建鄴折簡召長安文襄壯之顧謂諸人

曰在朝今有魏收便是國之光彩

收幼習騎射
欲以武藝自

達太學博士鄭伯猷調之曰魏郎弄戟多少收
慙悟乃折節讀書年二十七上南狩賦甚見褒
美伯猷謂之曰卿不
值老夫猶當逐免

魏伯起在京洛輕薄尤甚人號為驚蛺蝶後文襄
遊東山令諸臣宴文襄曰魏收恃才卿輩適須
出其短往復數番伯起忽大唱曰楊遵彥理屈
已倒楊從容言曰我綽有餘暇山立不動若遇
當塗恐翩、遂逝當塗者魏翩、者蛺蝶也文

襄先知之大笑稱善

魏伯起挾琴歌曰春風宛轉入曲房兼送小苑百

花香白馬金鞍去未返紅妝玉筍下成行

裴伯茂嗜酒踈傲以傷性致殞於家園友人常景

李渾王昕盧元明魏季景李騫等十許人於墓

旁致酒設祭哀哭泣一飲一酬曰裴中書魂

而有靈知吾曹也乃各賦詩一篇李騫以魏收

亦与之友寄以示收收時在晉陽乃同其作論

叙伯茂云臨風想玄度對酒思公榮時人謂伯

茂性誕傲謂收詩頗得事實伯茂患耳新構山池與賓客宴集謂

邢子材曰山池始就願乞一名子材曰海中有蓬萊山仙人所居宜名蓬萊蓋蓬音反語裴聾

戲之也故以

劉孔昭畫緝綴一賦以六合為名自謂絕倫曾以

呈魏收而不拜收忿謂曰賦名六合已是太愚

文又愚於六合君四體又甚於文劉不勝忿又

以示邢子才子才曰君此賦正似疥駱駝伏而

無斌媚收以温子昇全不作賦邢雖有一兩首

唯以章表碑誌自許此外更同兒戲

魏佛助与邢子才意趣不協更相詆毀魏每議陋

邢文邢云江南任昉文體本疎魏收非直摸擬

亦大偷竊魏聞乃曰伊嘗於沈約集中作賊何

意道我偷任語徐常侍聘齊收錄其文集以示徐令傳之江左徐速濟江而沉

之從者以問徐曰吾為魏公藏拙收每言及沈

休文集毀短之徐之才怒曰卿賣沈文半不能解何事論其得失因謂收曰未有与卿談收去避之

鄭元禮崔昂婦弟也魏收昂之妹夫昂持元禮

詩示盧思道曰元禮比來詩詠亦不減魏收思

道曰未覺元禮賢於魏收且知妹夫疎於婦弟

魏季景收從叔也有才學名位在收前頓丘李庶

謂曰霸朝便有二魏收對曰以從叔見比便是

耶輸之比鄉耶輸者庶癡叔也時季景与收及邢子明子才洛

中號兩邢二魏武城崔儵頓丘李若俱見稱重洛中語曰京師灼崔儵李若

陽休之尉李平所彈獲罪魏收修國史得休

之助因曰無以謝德當為卿作佳傳乃云
固為北平甚有惠政坐公事免官又云李
平深相敬重

陽休之好學愛文藻時人為之語曰能賦詩陽休
之時河東裴讓之遷主客郎省中亦有語曰能
賦詩裴讓之

魏武定初陽休之除中書侍郎先是中書專主綸
音魏宣武已來事移門下至是發詔依舊任遇
甚顯時魏收為散騎常侍兼領侍郎与休之參

掌詔命世論以為中興有人士戲嘲休之
觸藩之羝羊乘連錢之驄馬從晉陽而向新
屬書而盈把

盧元明字初章南北講和元明与李諧首通
使命王昕魏收相繼使梁昕風流文
辭收辭藻富逸梁主及其羣臣咸
敬異焉稱曰盧李命世王魏中興

盧元明与穎川王由友善忽夜夢由携酒就之言
別賦詩及明憶其十字云自茲一去後朝市不
復遊元明歎曰由性不狎俗旅寄人間乃今有

夢又復如此必有他故經三日果聞由為亂兵所害

王昕

字元景楊愔重其德素以為人之師表母崔氏生九子皆風流疆籍世號王氏

九龍晞字叔朗昕第三弟也為常山王司馬澹泊寡慾不以世務為累良辰美景登臨山水府寮呼為方外司馬

王元景嘗大醉楊遵彥謂之曰何太低昂元景曰

黍熟頭低麥熟頭昂來來俱有所以低昂

王晞嘗共盧思道楔飲賦詩曰日落應歸去魚鳥

見雷連時常山王遣使召晞不時至明日在

丞相西閣思道謂晞曰昨被召已朱顏得不以

魚鳥致恠晞笑曰昨晚陶然頗以酒漿被責卿

輩亦是雷連之一物豈直魚鳥而已

楊愔

字遵之文宣每醉輒手殺人以為戲樂愔乃簡鄴下死囚置仗內謂之供御囚

楊愔文宣時尚太原公主文宣大慚愔与侍中燕

子獻黃門侍郎鄭子默竝受遺詔輔政時常山

王演

即昭帝

長廣王湛

即武帝

位地親逼愔等与爾

朱渾天和謀欲裁奪威權由是深相疎忌後泣
為二王所害先是童謠曰白羊頭髦禿殺癪頭
生角。又云羊不喫野草。不喫野草遠我道。不遠
打爾腦。又云阿廢姑禍也。道人姑夫死也。按羊
指情也。角文為用。刀道人謂廢帝殷小名太原
公主常作尼。故曰阿廢姑。情子獻天和皆尚帝
姑。故曰道人姑夫云。

初孝昭之誅楊愔也。謂武成云。事成以汝為皇太
弟及踐位。乃使武成在鄴。主兵立子百年為皇
太子。武成不平。欲有異謀。先是童謠云中興寺
內白鳧翁。四方側聽聲。雍。道人聞之夜打鐘。
時丞相府即舊中興寺。鳧翁謂雄雞。蓋指武成
小字步落稽也。道人謂廢帝殷打鐘言將被擊
也。後武成用卜者言。不舉兵。孝昭尋崩。武成初
為樂陵王。既而白虹圍日。再重武成。欲以百年
厭之。百年自知不免。割帶珖。畱与其妃斛律氏
武成令左右亂捶。又令拽之。遠堂以行。且捶且
拽。所過血遍地。氣息將盡。乃斬棄之。池中妃把

玦哀號不食月餘亦卒
玦猶在手拳不可開

盧士深

楊遵彥典選時以六十人為一甲楊令其自叙訖
不省文簿便次第呼之嘗誤以盧士深為士琛
士深自辨其名遵彥曰盧郎朗潤所以加玉

盧士深妻崔林義之女有才學春日以桃花釀兒
面呪曰取紅花取白雪與兒洗面作光悅取白
雪取紅花與兒洗面作妍華取花紅取雪白與

兒洗面作光澤取雪白取花紅與兒洗面作華
容。

盧詢祖

范陽涿人與宗人思道俱為北州人
俊思道字子行嘗師事邢子才與魏
收文宣崩當朝文士各作挽歌十首擇其
善者用之魏收陽休之祖珽等不過得一
二首唯思道獨有八篇故時人稱為八米
盧郎謂取數多也關中語歲以六米七米
八米分上中下云

盧詢祖甚有口辯好臧否人物嘗語人曰我昨東
方未明過和氏門外見二陸兩潘森然與槐柳

齊列

盧詢祖才辯機敏主客郎李庶身短而袍長詢祖腰麓而帶急庶曰盧郎腰麓帶難匝答曰丈人身短袍易長邢子才嘗戲之曰卿少年才學富盛戴角者無上齒恐君不壽盧答曰詢祖初聞此言實懷恐懼見丈人蒼、老鬢差以自安

盧詢祖嘗為築長城子使自負其才內懷鬱、既至役所作築長城賦其畧曰板則紫栢杵則木瓜何斯材而斯用也草則離、靡、綠岡而殖但使十步而一芳余亦何辭間於荆棘

盧詢祖嘗作趙郡王妃換歌其一篇云君王盛海內伉儷盡寰中女儀掩鄭國嬪容映趙宮春艷桃花水焮度桂枝風遂使叢臺夜明司滿床空當時嘆以為佳

盧詢祖初拜大夏男有朝士戲之曰大夏初成盧即應聲曰且得燕雀相賀。

魏佛助盛譽盧思道以詢祖為不及詢祖曰見未能高飛者借其羽毛知逸勢冲天者剪其翅翮邢子廣曰詢祖有規檢彌衡思道無冰稜文舉盧思道小字釋奴從兄昌衡小字龍子宗中俱稱英妙幽州為之語曰盧家千里釋奴龍子。

盧思道聘陳設宴聯句作詩先唱者譏北人云榆生欲飽漢草長正肥驢謂北人食榆吳地無驢故有此句思道即續之曰共甌分炊飯同鑪各

謂南人無義同炊異饌也吳人愧之

盧思道聘陳陳主用觀世音語弄思道曰是何商人賈持重寶思道即以觀世音語報曰忽遇惡風漂墮羅刹鬼國陳主大慙

辛德源嘗謂盧思道曰昨作羌姬詩惟得五字云皂陂垂肩井苦無其對思道尋聲曰何不道黃物插腦門

盧思道與庾知禮作詩知禮成而思道未就知禮

曰盧詩何太眷思道曰自許編蒲疾何如織錦遲

周武帝平齊授思道儀同三司追赴長安與同輩
陽休之等數人作聽鳴蟬篇新野庾信徧覽諸
同作者獨嘆美之其辭曰聽鳴蟬此聽悲無極
羣嘶玉樹裏迴噪金門側長風送晚聲清露供
朝食晚風朝露實多空日高鳴獨見知輕身
蔽數葉哀鳴抱一枝流亂罷還續酸傷合更離

雙聽別人心卽斷纔聞客子淚先垂故鄉已絕
忽空庭正蕪沒一夕復一朝坐見涼秌月河流
帶地從來嶮峭路干天不可越紅塵早弊陸生
衣明鏡空悲潘掾髮長安城裏帝王洲鳴鐘列
鼎相求西望漸臺臨太液東瞻甲觀距龍樓說
客恒持小冠出越使常懷寶劍遊學仙未成便
尚主尋源不見已封侯富貴功名本多豫繁華
輕薄盡無憂詎念嫖姚嗟木梗誰憶田單倦土

土牛。歸去來。青山下。妖菊離。日堪把。獨焚枯。

魚宴林野。終成獨校子雲書。何如還驅少遊馬。

唐明皇自蜀回登勤政樓歌曰庭前琪樹已堪攀塞北征夫竟未還亦思道歌詞也思道後入

隋偶與賓客日中立內史李德林謂曰何不就樹蔭思道曰熱則熱矣不能林下立嘗為周齊

興亡論周則武皇宣帝悉有惡聲齊高祖太上咸無善譽思道嘗謁東宮東宮謂之曰周齊興

亡論是卿作不思道曰是東宮曰為卿君若不亦難乎思道不能對

顏之推字介初為梁散騎侍郎後為周軍所破奔齊累官黃門侍郎齊亡入周為

御史上士隋開皇中大子台為文學以疾終

梁元帝時荆州為周軍所破大將軍李穆送

往弘農令掌其兄陽平公遠書翰遇河水暴長

具舡將妻子奔齊經砥柱之險時人稱其勇決

在道賦詩曰俠客重艱辛夜出小平津馬色迷

關吏雞鳴起戍人露鮮華劍彩月照寶刀新問

我將去北海就孫賓。

蕭愨字仁祖蘭陵人梁宗室上黃侯曄之子天保中入齊後主時為齊州錄事參軍

待詔文林館後入隋

蕭仁祖嘗於秋夜賦詩曰清波收渣日華林鳴籟
初芙蓉露下落楊柳月中疎燕幃緗綺被趙帶
流黃裾相思阻音息結夢感離居邢子才甚愛
之顏黃門亦嘆賞芙蓉楊柳二語謂其蕭散宛
然在目思道獨不愜焉

徐之才

字茂卿五葉相仲融隱秦望山有道
士過之求飲遺一瓠蘆開視乃扁鵲
鏡經一卷遂成良醫之才
初仕梁入齊為散騎常侍

徐之才年八歲時與從兄康造汝南周捨宅聽講

老子捨為設食乃戲之曰徐郎不用心思
但事食乎之才荅曰蓋聞聖人虛其心而實其
腹捨嗟賞之

徐之才聰辯強識有兼人之敏尤好劇談公私會
聚各相嘲戲常嘲王昕姓云有言則誑與誑近
犬則狂加頸足而為馬施角尾而為羊

徐之才嘗宴客時盧元明在座戲弄之才姓云卿
姓徐字乃未入人之才即荅云卿姓盧字在亡

為虐。在丘為虐。生男成虜。配馬成驢。

徐之才與朝士出遊。遙望群犬。競走。諸人令目之。

之才厲聲曰。為是宋鵲。為是韓盧。為是逐李斯。東

走。為負帝女。南徂。

徐之才父雄祖成伯。並善醫術。世傳其業。祖孝徵

戲之。呼為師公。之才曰。既為汝師。復為汝公。在

三之義。頓居其兩。之才嘗以劇談調魏收。收熟

視之。曰。面似小家方相。之才答曰。若爾便是卿

之。葬具。

和士開

武成帝疾亟。驛追徐之才。未至。乃以假子士開傷寒。醫云。應服黃龍湯。士開有難色。有候之者。請先嘗之一。舉而盡。

武平元年童謠云。狐截尾。你欲除我。我除你。其年

四月。隴東王胡長仁謀遣刺客殺和士開。事露。

反為士開所譖而歿。

武平二年童謠云。和士開。七月三十日。將你向南

臺。小兒唱訖。一時拍手云。殺却。至七月二十五

日瑯邪王儼執士開送南臺斬之是歲又有謠
云七月刈禾傷早九月喫饒正好十月洗蕩飯
甕十一月出却趙老至七月士開被誅九月瑯
邪王遇害十一月趙彥深出為西州刺史

熊安生

字植之齊國子博士
劉焯劉炫皆其門人

熊安生博通五經與同郡宗道暉一時人士推為
宗師道暉好着高翅帽大屐州將初臨輒服以
謁見仰頭舉肘拜於屐上自言學士比三公任

城王潛嘗因小忿鞭之道暉徐呼安偉安偉亦
謂人曰我受鞭不着體復躡屐而去冀州為之
語曰顯公鍾宋公鼓宗道暉屐李洛姬吐謂之
四大

熊安生將通名見徐之才和士開二人相對以之
才諱雄士開諱安乃稱觸以生群公哂之在山
東時或誑之曰某村古塚是晉河南將軍熊光
舊有碑為村人埋匿安生便掘地求之不得連

年訟焉據稱去安生七十三世矣冀州刺史鄭
謹判曰七十三世以今揆之乃是羲皇上人且
河南將軍晉無此號安生猶率族人向塚而哭

祖珽 字孝徵瑩之子嘗置地牢夜以蕪菁子
為燭眼為所熏喪明時呼盲老公其黨

封孝琰崔季舒
稱為衣冠宰相

祖孝徵所乘老馬自稱驢駒又與寡婦王氏姦通
每人前相聞往復裴讓之與珽早狎嘗於眾中
嘲珽曰卿那得如此詭異老馬十歲猶號驢駒姦

逾耳順尚稱娘子於時喧然傳之

後主時祖珽勢傾朝野與陸令萱相結珽欲立令
萱為太后且曰陸雖婦人然實雄傑女媧以來
未之有也令萱亦謂珽為國師自是朝政日壞
周欲圖齊然畏斛律光武勇因密為謠言令謀
傳於齊云百升飛上天明月照長安又云高山
崩擗樹舉盲老公背上下大斧饒吾老母不得
語百升斛也明月光字高山謂齊盲老公即珽

饒舌老母謂令萱會光欲去珽等遂以謠言奏
帝於是誅光周遂滅齊

齊後主緯

民間謂之無愁天子周武帝執以歸殺之夷其族

梁元帝時陸法和隱江陵百里洲妙解神術預見
萌兆再為元帝破賊封江乘縣公元帝敗入齊
文宣以為大都督荊州刺史無病而終法和嘗
書其所居屋壁而塗之及剝落有文云十年天
子為尚可百日天子急如火周年天子迭代坐

時文宣帝享國十年而崩廢帝嗣立僅百餘日
孝昭即位一年而崩又云一母生三天兩天共
五年。婁太后生三天子自孝昭即位至武成傳
位後主共五年云

後主雅好傀儡謂之郭公時人戲為郭公歌曰邯
鄲郭公九十九技倆漸盡入滕口大兒緣高岡
雉子東南走不信吾言時當看歲在酉及將敗
果邯鄲高郭聲相近九十九末數也滕口鄧林

也。大兒謂周帝太祖子也。高岡後主姓也。雉鷄類武成小字。後敗於鄧林。盡如歌言。

武平末有童謠言黃花勢欲落。清尊但滿斟。時穆后母子淫辟。干預朝政。時人患之。穆后小字黃花。尋逢齊亡。欲落之應。

馮淑妃名小憐。大穆后從婢也。穆后愛衰。以五月五日進之。號曰續命。慧黠工歌舞。後主惑之。立為左皇后。周師圍鄴。後主以淑妃奔洪洞。戍復。

奔青州。為周武所獲。以賜代王達。甚嬖之。淑妃侍達。彈琵琶。因弦斷作詩曰。雖蒙今日寵。猶憶昔時憐。欲知心斷絕。應看膝上弦。

周明帝毓

初封寧都公

明帝二年。秋九月。幸同州。過故宅。賦詩曰。玉燭調。秋氣金輿立。舊宮還當如白水。更似入新豐。霜潭清晚菊。寒井落疎桐。舉杯延故人。今聞歌大風。

章敬遠夏志尚簡澹魏周之際十徵不屈明帝深
禮敬之嘗貽以詩曰六爻貞遯世三辰光少微
潁陽讓逾遠滄洲去不歸風動爍蘭佩香飄蓮
葉衣坐石窺仙洞乘槎下釣磯嶺松千仞直巖
泉百丈飛聊登平樂觀遙想首陽薇詎能同四
隱來參余萬幾敬遠答詩願不時朝謁帝勅有
司日給河東酒一斗號曰逍遙公

高琳字季珉其先高麗人仕於燕後歸魏賜姓羽真氏

明帝武成三年討平文州氏師還帝宴群公卿士
仍賦詩言志高琳詩末章云寄言寶車騎為謝
霍將軍何以報天子沙漠靜妖氛帝大悅曰獯
獯陸梁未時款塞卿言有驗國之福也

王褒初字子淵後避唐諱改字子深漢有二王褒一字子登其一亦字子淵

王褒高句麗曲云蕭々易水生波燕趙佳人自多
傾盃覆碗灌々垂手奮袖娑娑不惜黃金散盡
惟畏白日蹉跎與陳陸瓊飲酒樂同調時南北

雖限隔其聲調元相通云

庾信

字子山梁散騎常侍庾景胤自建康遁

歸江陵居宋玉故宅故其賦曰誅茅宋
王之宅穿徑臨江之府老杜送李功曹歸
荆南云曾聞宋玉宅每欲到荆州李義山
亦云却將宋玉臨江宅異代仍教
庾信居信後為周輕騎將軍開府

庾信肩吾子也梁時肩吾掌管記東海徐摛為左

衛率信及摛子陵並為抄撰學士父子東宮出

入禁闥文並綺艷世稱徐庾及信入周陵入陳

言寄陵詩曰故人倘思我及此平生時莫待山

陽路空聞吹笛悲

周明帝武帝並好文學庾子山特蒙恩禮趙王招

滕王道周旋款至有若布衣之交信在趙王府

看伎和詩云綠珠歌扇薄飛燕舞衫長琴曲隨

流水簫聲逐鳳皇細縷纏鍾格圓花釘鼓牀懸

知曲不誤無事顧周郎又和云長思綰紗石空

想搗衣砧臨邛若有便為說解琴心蕭韶是梁宗室初為

幼童庾開府愛之有斷袖之歡衣食所資皆開
府所給遇有客韶為開府傳酒後為郢州開府

兩上江陵途經江夏韶接開府甚薄坐清油幕
下引開府入宴坐開府別榻有自矜色開府稍
不堪因酒酣乃徑上韶牀踐榻肴饌直視韶面
語曰官今日形容大異近日時賓客滿坐韶大
恥慙

庚開府春日離合詩曰秦青初變曲未有逐琴心

明年花樹下月月來相尋離合春字田家足閒暇士

友暫流連三春竹葉酒一曲鷓鴣弦離合日字

開府示封中錄吃語詩曰貴館居金谷閑局隔


藥街冀君見果顧郊間光景佳又云高階既激

澗廣閣更交柯葛巾久乖角菊逕簡經過

王司空東餉開府酒開府以詩答云今日小園中

桃花數樹紅開君一壺酒細酌對春風未能扶

畢卓猶足舞王戎仙人一捧露判不及盃中



三山堂外紀卷二十一

十一

